



UNIVERSITÄTS-
BIBLIOTHEK
PADERBORN

Davidis Regii Prophetae Psalterium

Moritz <Hessen, Landgraf>

Smalcaldiae, 1593

VD16 B 3258

Psalmvs CXXV. Qui confidunt in Domino, &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

NI Deus auxilium nostrumq; fuisset asylum,
Sic una Isacidum concio voce sonet.
Ni Dominus dextrâ miseros defenderet almâ,
Iam male tractaret nos scelerata cohors.
Imò etiam viuos ravidâ nos fauce voraret,
Mota odii stimulis, mota furore truci.
Iam rapidus torrens nos omnes mergeret, atq;
Fluctibus & sæuis obrueremur aquis.
At Dominò sit honos, sit gloria, lausq; perennis,
Qui nos Cerbereis dentibus eripuit.
Aucupis vt laqueo rupto mox auolat ales:
Erepti insidiis sic laqueisq; sumus.
Ecce salus posita est in dextra nostra Jehouæ,
Qui cæli & terra condidit vnus opus.

PSALMVS CXXV.

Qui confidunt in Domino, &c.

INstar hic immoti est montis Sionis habendus,
In Domino quisquis spemq; fidemq; locat.
Mœnia ceu Solyma cinguntur montibus altis:
Ioua suum cingit sic populum atq; tegit.
Eripiet tandem iustorum colla, tyrannis
Subdita nec sæuis amplius esse sinet.

Impia

*Impia ne nimium latè truculentia grassans
Compellat mentes ad malefacta pijs.
Sicut es in populum solitus conferre salutem:
Nunc ita corde bonos perge beare, Deus.
Sed qui neglecta temerè pietate sequuntur
Crimina, eos reprobis annumerare soles.
Isacidum soboles potiatur pace serena,
Libertate sua gaudeat absq; metu.*

PSALMVS CXXVI.

In conuertendo Dominus &c.

*CVm Dominus populū captiuū è carcere ducet,
Gaudia erunt huic, ceu somnia grata vidētis.
Sancti laudabunt Dominum, pleno ore, iuuantem,
Fortia gesta Dei narrabit lingua piorum.
Tunc inter gentes dicent & ubiq; locorum:
Quanta potens miracula Deus populo exhibet isti?
Magnifici bonitas sicut conspecta Jehouæ,
Est meritò à nobis eterna laude canenda.
Nunc age, summe pater, captorum vincula solue:
Vincla quibus Babylon constrinxit colla piorum.
Libera ab exiliis, torrentes siccet ut Auster.
Qui lacrymas serit, et qui flens sua semina spargit,
Gaudia*